

# Powšitkowne WOZJEWJENJA

njedźelu, 1. awgusta 2010

## Nyšpor w Róžeńće zašo

W Róžeńće budže nyšpor tutu njedźelu, 1. awgusta, hižo w 14 hodź. Pater Irenäus Krause prosy wěriwych, tole wobkedźbować.

## Diskusijny forum we Wotrowje

„Přesadjenje serbskich fararjow – historiske pozadki a nazhonjenja džensa“ rěka tema diskusijneho foruma pjatk, 6. awgusta, w 19.30 hodź. we Wotrowskej starej šuli. Zawodny přednošk z historisko-wědomostneho wida změje dr. Měrcin Wałda. Přizamknje so diskusija. Wšitcy zajimowani su wutrobnje přeprošeni.

## Pišćelowy koncert Serba w Filipowje

Z Baćonja pochadźacy a w Berlinje skutkowacy kantor a organist Tomaš Žur wuhotuje njedźelu, 8. awgusta, w 14 hodź. pišćelowy koncert w cyrkwi w Filipowje. Wšitcy zajimcy tež z Łužicy su wutrobnje přeprošeni.

## Lětni koncert Meje

Swój tradicionelny lětni koncert před Starej cyrkwičku w Radworju wuhotuje chór Meja njedźelu, 15. awgusta. Jako hosći su sej lětsa Smjerdžečansku rejwarsku skupinu přeprosili. Wot 15 hodź. poskići so kofej a samopječeny tykanc. Koncert zahaji so w 16 hodź.

## Hra „Via Regia woła“ předstaji so w Chróścicach

Towarstwo Cyrila a Metoda z.t. a Chróścanska wosada přeprašujetej na předstajenje noweje dźiwadloweje hry „Via Regia woła“. Wona je wěnowana k 1.000. posmjertnym narodninam biskopa Bena, japoštoła Serbow. 180 lajskich wumělcow – dźiwadźelnikow, spěwarjow, hudźbnikow a rejowarjow předstaji hru na scěhowacych terminach:

**premjera sobotu, 14. awgusta, w 20 hodź.** – wosebje za wěriwych Chróścanskeje wosady;

**njedźelu, 15. awgusta, w 20 hodź.** – wosebje za Wotrowskich, Baćońskich a Ralbičanskich wosadnych

**sobotu, 21. awgusta, w 20 hodź.** – wosebje za wěriwych z Pančanskeje a Worklečanskeje wokoliny kaž tež Njebjelčanskeje wosady

**njedźelu, 22. awgusta, w 16.30 hodź.** – wosebje za wěriwych Budyskeje wosady, za wobdźělnikow swójbneho popołdnja w Smochćicach kaž tež za ewangelskich wěriwych

**njedźelu, 22. awgusta, w 20 hodź.** – wosebje za Radworskich a Kulowskich wosadnych

Wšitke předstajenje su w serbskej rěči na farskej łuce w Chróścicach. Němskim přihladowarjam poskići so simultany přeložk ze słuchatkami. Zastup plaći sydom eurow za dorosćenych, štyri eura za młodostnych a dwaj euraj za dźěći.

## Swójbne popołdnjo

Dekanatne dušepastyrstwo dźěći přeprašuje wšitke swójbny njedźelu, 29. awgusta, na zhromadne popołdnjo na Kukowskim hrodzišću. Započatk je w 14.30 hodź. z nyšporom.